

Rimhondzo ra mhelembe ri kumiwa eka ndhwalo eRivaleni ra Swihahampfhuka ra Misava ra OR Tambo

Tshwane, 29 Dzivamisoko 2022 - Vaofisiri va Khasitomo va Vukorhokeri bya Xibalo bya Afrika-Dzonga (SARS), hi ku tirhisana na tindzawulo tin'wana ta mfumo, va yimisile ndhwalo wa mukhandziyi wa xisati wa le Afrika-Dzonga lowu a wu ri na swiphemu swa khumbembirhi (12) swa rimhondzo ra mhelembe leri tikaka 30.7 khilogireme eRivaleni ra Swihahampfhuka ra Misava ra OR Tambo.

Yimiso wa rimhondzo ra mhelembe wu endliwile endzhakukaloko vatirhi va Khasitomo ya SARS na van'wana va mfumo va va lumiwile ndleve mayelana na mukhandziyi loyi a endzela eDubai.

Xipano xa Khasitomo xi hlamurile hi xihatla no heleketa mukhandziyi wa xisati eka ndhawu ya Khasitomo ku kamberiswa ku ya emahlweni. Tibeke timbirhi ta mirhwalo ti kamberiwile hi xikenara xa mirhwalo lexi kombiseke swifaniso leswi nga tolovelekangiki leswi ehleketeleriweke ku va rimhondzo ra mhelembe.

Leswi swi fikisile eka nkambelo wa ndhwalo na bokisi hi nyama laha ku kumekeke swiphemu swa khumbembirhi (12) swa rimhondzo ra mhelembe, leswi tikaka 30.7kg. Mukhandziyi kun'we na rimhondzo ra mhelembe swi nyiketiwile Vukorhokeri bya Maphorisa bya Afrika-Dzonga laha kheyisi ya swa vugevenga yi pfuriweke ku lavisisiwa ku ya emahlweni.

Exikarhi ka Mawuwani 2020 na N'wendzambahala 2021, ntsengo wa swiphemu swa 125 wa rimhondzo ra mhelembe, leswi tikaka 453 wa tikhilogireme, swi tekiwile eRivaleni ra Swihahampfhuka ra Misava ra OR Tambo.

- N'wendzambahala 2021: Ntsevu (6) wa swiphemu swa rimhondzo ra mhelembe, leswi tikaka 4kg swi tivisiwile tanihi 'Personal Effects' leswi a swi fanele swi rhumeriwa eChina.
- N'wendzambahala 2021: Ntlhanu (5) wa swiphemu swa rimhondzo ra mhelembe, leswi tikaka 10kg swi tivisiwile tanihi 'Scanners', leswi a swi rhumeriwa eMalaysia.
- Mawuwani 2021: Makumenharhumbirhi (32) wa swiphemu swa rimhondzo ra mhelembe, leswi tikaka 160kg swi tivisiwile tanihi 'Live Plants', leswi a swi rhumeriwa eMalaysia. <segment 1489>

- Nyenyenyani 2021: khumenhungu (18) wa swiphemu swa mhelembe, leswi tikaka 63kg leswi tivisiweke tanihi 'HP Cartridges Developers', leswi a swi rhumeriwa eMalaysia.
- N'wendzamhala 2020: khumenkombo (17) wa swiphemu swa rimhondzo ra Mhelembe leswi tikaka 72.4kg leswi a swi tumbetiwile endzeni ka gizara leswi a swi rhumeriwa eMalaysia.
- Ndzhathi 2020: ntsevu (6) wa swiphemu leswi tikaka 4.9kg leswi tivisiweke tanihi "Coffee Beans", leswi a swi rhumeriwa eMalaysia.
- Mawuwani 2020: makumemumen'we (41) wa swiphemu leswi tikaka 137kg leswi tivisiweke tanihi "Fine Arts" leswi a swi rhumeriwa eMalaysia ku hundza hi le Doha.

Khomixinara wa SARS Edward Kieswetter u humesile ku khensa ko huma embilwini ya yena ku ya eka vaofisiri va Khasitomo na vatirhisani kuloni va vona vo suka eka Vukorhokeri bya Maphorisa bya Afrika-Dzonga ku va tirhile hi ku tinyiketela ku lwa na ku ngungumerisa ka rimhondzo ra mhelembe na vugevenga byo tala lebyi yelanaka na swona.

U vurile, "Hi ta endla hi matshalatshala yo vhumunula no tengisa mitlawa leyi ya swigevengana na vanhu lava tlulaka nawu. SARS na tiejensi ta vuhlayisi bya nawu swi ta tirhisa matshalatshala hinkwawo ku tiyisisa leswaku va hlangana na nawu."

Mayelana na vuxokoxoko, tihlanganise na SarsMedia@sars.gov.za

